

吳

詩

集

覽

吳詩集覽卷十三上

黎城靳榮藩介人轄

七言律詩三之上

恭紀

聖駕幸南海子遇雪大獵

畿輔通志南海子在外城永定門外物產充牣爲遊獵之

地元日飛放泊明永樂中擴其地木朝因之時命禁旅行圍以肄武事自此以後爲柵村

官本
朝時詩

君王羽獵近長安龍雀刀鏤七寶鞍立馬山川千騎擁

賜錢父老萬人看

原註
賑饑

霜林白鹿開金彈春酒黃羊進

玉盤不向回中逢大雪無因知道外邊寒近長安三字最佳見非遠

地也三四在大獵以前五六在既獵以後回中與近長

安相應○揚子雲有羽獵賦史記司馬相如傳注郭

璞曰飛廉龍雀也刀為龍雀大鑲號曰大夏龍雀天寶

遺事唐明皇在蜀以七寶鞍賜張后李泌請分賜將士

杜詩花邊立馬簇金鞍又千騎擁霓旌南史梁武

帝紀少長數千人各資錢二千霜林見送孫令修上

林賦慄白鹿捷狡兔季義山詩不收金彈拋林外詩

為此春酒黃羊見雪中遇獵玉盤見海戶曲後漢書

郡國志右扶風有回城名曰回中中一統志回中宮在鳳

翔府隴州西北百四十里漢武帝瓠子歌不封禪兮

安知外吳子華詩

無人知道外邊寒

陸雲士曰肯原夏諺調合唐音有諷有規最為得

體教忠堂評頌揚中不失箴規此惟唐人有之

聞撤織造志喜江南通志蘇州織造始於順治三

年兼督蘇杭至十七年歸併一局

遂止管蘇州織造事務子瞻
喜雨亭記亭以兩名志喜也

春日柔桑士女歌東南杼軸待如何千金織綺花成市
萬歲廻文月滿梭 恩詔只今憐赤子貢船從此罷黃

河尚方玉帛年來盛早見西川濯錦多

前半首是織造
後半首是撤字

末二句頌中有規詩家得身分處○詩爰求柔桑

又小東大東仔軸其空嘉禾張惟亦詩杼軸東南民力盡

織綺見織婦詞韋端已詩花市香飄漠漠風程

迓亭曰陳棕天啟宮詞註新花樣有屯字回文取萬歲

意鄴中記織錦署在中尚方文選蜀都賦注譙周

益州志云成都織錦旣成濯於江水其文分明勝於初

成他水濯之

不如江水也

上駐驛南苑闋武行蒐禮召廷臣恭視賜宴行宮賦五

七言律詩五七言絕句每體一首應

制

左傳隱五年春

蒐穀梁傳春曰田秋曰蒐 高澹人扈從西巡日錄南海子春蒐冬狩巡幸以講武事也

露臺吹角九天聞射獵黃山散馬羣練甲曉懸千鏡日

翠旗晴轉一鞭雲奇鷹出架瑠弓動

集作雕非

新兔登盤玉

饌分最是小臣慚賦屬車叨奉羽林軍

仿初唐應制諸作三四工

鍊○王詩漢主離宮接露臺吹角見松山哀漢書郊祀志注九天者謂中央鈞天東方蒼天東北旻天北方元

天西北幽天西方皓天西南朱天南方炎天東南陽天也 賈誼論時政疏夫射獵之娛黃山見海戶曲 韓

非子秦得韓之都而驅其練甲 史記李斯傳建翠鳳之旗一鞭見臨淮老妓行 奇鷹見雪中遇獵唐太宗

詩瑤弓寫明月 陸務觀詩迎霜新兔美玉饌見膾殘漢書揚雄傳從上甘泉還奏甘泉賦以諷 屬車見

讚佛詩注羽
林見雒陽行

送無錫堵伊令之官歷城

一統志無錫縣在常州府東南九十里又濟南

府歷城縣附郭常州府志順治丁亥進士堵廷棻無錫人歷城知縣

攬轡朱輪起壯圖遺民喜得管夷吾城荒戶少三男子
名重人看五大夫畫就烟雲連泰岱詩成書札滿江湖

茶經水傳平生事第二泉如酌突無

三四工妙以從歷城生情也結有別

趣以其兼點無錫也○後漢書范滂傳登車攬轡慨然有澄清天下之志戰國策乘朱輪華轂馳驅燕趙郊杜詩曹公屈壯圖晉書溫嶠傳及見王導其談歡然曰江左有管夷吾吾復何慮城荒見曉寒吟眺更記蘇秦傳臨淄之中七萬戶臣竊度之不下戶三男子三國志呂布傳元龍名重天下許觀東齋記專五大夫蓋

秦爵之第九級如曹參賜爵七大夫遷爲五大夫是也
按此兼用秦皇封松事詳松化石杜詩浮雲連海岱
鳧古詩遷我一書札茶經水傳見壽陸孟
鳧第二泉詳惠山二泉亭釣突見釣突泉

元夕

諸王花萼奉宸游清路于門照夜騶長信玉杯簪戴勝
昭陽銀燭擘篁篔傳柑曲裏啼鶯到爆竹光中戰馬收

却憶征南人望月金闈燈火別離愁

前半首極寫元夕之盛五六平轉結

句藹然仁人之言望月燈火不脫題面○明皇十七事
上性友愛及卽位立樓於宮之西南垣署曰華萼相輝
王詩不是宸遊玩物華司馬相如傳且夫清道而後
行中路而後馳史記孝武紀作建章宮廣爲千門萬戶
明皇雜錄上所乘馬有玉花驄照夜白漢書百官表
長信少府以太后所居宮爲名也又文帝紀十六年秋

九月得玉杯刻曰人主延壽山海經崑崙之邱有人戴
勝名曰西王母 昭陽見讚佛詩顧希馮舞影賦列銀
燭兮蘭房宋書樂志空侯初名坎侯漢武帝祠大一后
土用樂令樂人侯暉依琴作坎侯言其坎坎應節奏也
侯者因工人姓爾後言空訛也 蘇詩歸來一盞殘燈
在猶有傳柑遺細君注侍飲樓上則貴戚爭以黃柑遺
近臣謂之傳柑聽携以歸蓋故事也章應物詩啼鶯相
啾亦可聽 荆楚歲時記正月一日雞鳴而起先於庭
前爆竹以辟山獠惡鬼戰馬見雁門尚書行 征南見
贈雪航補注李詩卷惟望月空長嘆 按謝元暉詩既
通金閨籍文通別賦金閨之諸彥皆指金馬門也自唐
以後始借用爲閨閣字主少伯詩無那金閨萬里愁

讀魏石生懷古詩

叢輔通志魏裔介字石生柏鄉人順治丙戌進士歷官吏部尚

書大學士魏石生兼濟堂年譜補工科給事又補吏科陞兵部擢憲副按詩中有真諫議語當

在石生爲給

諫時作也

長安雪後客心孤畫省論文折簡呼家近叢臺推意氣

山開全趙見平蕪憂時危論書千卷懷古高歌酒百壺

自是漢廷真諫議蕭王陌上賦東都

從讀字起三四石生邑里五六懷古

詩也結到諫議用意周到然皆一氣貫注不同泛砌○

皇甫茂政詩長安雪後見歸鴻心孤見磬清湖畫省

見弔衛紫岫折簡見寄當事諸老李義山詩家近紅

藻曲水瀆叢臺見永和宮詞盧允言詩春日衆山開

高達夫詩全趙對平蕪漢書息夫躬傳躬待詔數危

言高論懷古見讀鄭世子傳補注詩清酒百壺史

記田叔傳漢廷臣無能出其右者唐書蕭鈞傳永徽中

累遷諫議大夫帝曰直諫議也後漢書光武帝紀更

始二年五月遣侍御史持節立光武爲蕭王建武元年

光武命有司設壇場於鄗南千秋亭王成陌注其地在

今趙州柏鄉縣一統志鄗縣故城在相

鄉縣北俗名王莽城班孟堅有東都賦

魏石生和韻
載兼濟堂集

送永城吳令之任

一統志永城縣在歸德府東南一百八十里高仲偕曰河南通

志永城知縣吳燿江南宜興人貢士順治十一年任

春風驛樹早聞鶯馬過梁園候吏迎山縣尹來三月雨

人家兵後十年畊鴉啼粉堞河依岸草沒旗亭路入城

曾見官軍收賊壘時清今已重儒生

三四名雋餘亦雅令○在詩驛樹出

城來

梁園見東臯歌後漢書王霸傳侯吏果妄語也

杜詩山縣早休市虞伯生詩一徑綠陰三月雨

禮

九年畊必有三年之食後詩意蓋兼用左傳哀九年越

十年生聚十年教訓語

秦少游詩落紅滿地乳鴉啼

梁簡文帝詩平江合粉堞一統志舊黃河在歸德府境者有三一在商邱縣北三十里合賈魯河沁河諸水流

入虞城縣北又流入夏邑縣北又流入永城縣東入碭
山界又小黃河在永城縣北二十里上承白河自夏邑
縣流入又東入江南宿州界達淮 草沒見夜宿阜昌
褚先生三代世表臣爲郎時與方士考功會旗亭下注
旗亭市樓也 杜有喜聞官軍已臨賊境詩 清時見
贈馮訥生吏記叔孫通傳諸弟子儒生隨臣久矣劉文
房詩青袍今已誤儒生

送安慶朱司李之任

天清一統志安慶府在
安徽布政使司西南六百十

五里管子臯陶爲李字典司理刑官亦稱司李
袁子才曰此爲夏朔朱子作夏朔名建寅崇禎
癸酉舉于南京與歷陽合
肥同年十年同榜應指此

到官春水畫橈輕天柱峯高卽郡城
百里殘黎半商賈
十年同榜盡公卿
雞豚塢壁山中稅鼓角
帆檣江上兵

亂後莫言無吏治此方朱邑最知名

結句最佳○范德機詩派盡夷江未

到官

別賦春水綠波儲光義詩爲惜鴛鴦鳥輕輕動畫

槎

一統志皖山在安慶府潛山縣西北寰宇記潛山

在懷寧縣西北二十里高三千七百丈周二百五十里

山有三峯一曰天柱山一曰潛山一曰皖山道家以爲

第十四洞天柱司元之天同榜見過姜給事後

漢書樊準傳修理塢壁威名大行又公孫瓚傳鼓角

鳴于地中帆檣見海溢史記酷吏傳序吏治蒸蒸不

至于姦漢書朱邑傳字仲鄉廬江舒人少時爲舒桐

鄉嗇夫廉平不苛遷北海太

守以治行第一入爲大司農

按邑傳我故爲桐鄉吏其民愛我必葬我桐鄉云云

一統志朱邑墓在安慶府桐城縣西二十里寰宇記

朱邑祠堂在桐城縣蓋桐城爲春秋時桐國漢置椹

陽縣今浙江嘉興府桐鄉縣本漢由拳縣邑傳所云

乃安慶之桐鄉非浙之桐鄉

也梅村蓋合其地與姓用之

送彥遠南還河渚

匹馬春風返故林松杉書屋晝陰陰猿愁客倦晨投果
鶴喜人歸夜聽琴我有田廬難共隱君今朋友獨何心

還家早便更名姓只恐青山尚未深

此與五古題河渚圖同時作猿鳥不

我與梅村曾以自咏三四蓋翻用其意結句從五六翻
進一層是自悲語非相嘲語也細翫自見○李詩落花
辭條羞故林 松杉見後東臯歌書屋見題志衍畫王
詩陰陰夏木嘒黃鸝 晉書潘岳傳投之以果遂滿車
而歸皮襲美詩野猿偷果重窺戶 王仲謀詩夜鶴聽
琴依蕙帳 田廬見明周子佩 何心見廢絮 更名
姓見避亂 退之上宰相 書彼惟恐八山之不深

五言登高見遺廟頽垣竄鼯鼠悲歌因臥病歸心入
春雨則彥遠蓋逸民之流睹前代陵墓而歸老者而

此詩又以入山未深危之想見道義相勗處然彥遠終老湖上而梅村竟有入山未深之悔人之遇合亦曷可道哉

江上

盧允言詩更堪江上鼓鼙聲杭州府志順治十六年海寇犯京口王師勦海遂營於

江稱華錄訓纂順治十六年六月海寇鄭成功陷鎮江知府戴可進等六員副將高謙等十四員皆失身從逆鎮江在籍搢紳吏部郎中張九徵御史笄重光當可進定謀迎賊時慟哭力爭不得及城破乃遜張如哉曰順治十四年梅村已歸里矣此詩編次在京時與十六年鄭寇陷鎮江不合蓋海賊屢犯鎮江至己亥鎮江乃陷耳此當是順治十三年總督鄧廷佐捍寇時作否則編次之誤也

鐵馬新林戰鼓休十年軍府笑諮謀但虞莊躋爭南郡

不信孫恩到蔡洲

集作州非

江過濡須誰築壘潮通滬瀆總

安流

原註滬瀆在今上海

蘆花一夜西風起兩點金焦萬里愁此

與七夕感事詞意相似○季夔吉論梁書金戈鐵馬蹂

踐於明時新林見讀史雜感戰鼓見斬王墓軍府見

彈琴歌詩周爰咨謀張如哉曰宋書百官志晉元帝爲

鎮東大將軍及丞相其參軍則有諮議參軍晉江左初

置因軍諮祭酒也莊疇見哭志衍史記秦本紀秦昭

襄王二十九年大良造白起攻楚取郢爲南郡括地志

郢城在荊州江陵縣東北孫恩見白洋河廣輿記蔡

洲在江寧府西江中劉宋高祖破盧循處吳志建安

十六年權取秣陵爲建業聞曹公將來侵作濡須塢一

統志濡須塢在廬州府無爲州東北五十里又滬瀆

在松江府上海縣東北松江下流也晉書孫恩傳袁山

松築扈瀆壘沿海備恩明年恩轉寇扈瀆害袁山松仍

浮海向京口陷廣陵復沿海還南劉裕亦尋海要截復

大破恩于扈瀆楚辭使江水兮安流蘆花見送杜崱

武明史五行志一朝西風起
金
焦見贈蒼雪萬里愁見圓圓曲

送顧蒨來典試東粵

梅村顧母施太恭人壽序吏部考功郎顧君蒨來天下精

疆開濟駿雄濶達之君子也舉進士年才二十餘起家廷評銜天子之命以取士於嶺表

五管號稱得人蘇州府志吳縣顧贄蒨來順治六年己丑進士

客路梅花嶺外飄江山才調屬車招石成文字兵須定
珠出風雷瘴自消使者于旌開五管諸生禮樂化三苗

憑君寄語征南將誰勤炎天銅柱標

句句切典試東粵結更所見者大所

謂高處立濶處行也張如哉曰按由榔于丙戌稱監國以肇慶府署爲行宮庚寅奔梧州丙申遷雲南己亥入緬甸征南當指征由榔時又曰杜詩雲山兼五嶺風壤帶三苗五六句本此○南康記庾嶺亦曰梅嶺見嘆

吳詩集覽

卷十三

上

八

王子彥

隋書許善心傳才調極高屬車見南苑應制

張加哉曰吳處厚青箱雜記廣南劉龔初開國營構

宮室得石識有古篆十六其文人人有一山山值牛兔

絲吞骨蓋海承劉解者曰人人有一大人也山山出也

值牛者龔建漢國歲在丑也兔絲者龔龔位歲在卯也

吞骨者滅諸弟也越人以天水爲盞海指皇朝國姓也

承劉者言受劉氏降也按吳志孫皓天璽元年歷陽山

石文理成字唐書五行志貞觀十七年涼州昌松縣有

石青質白文成字太宗遣使祭之曰天有成命表瑞貞

石文字昭然歷數惟永而此詩用劉龔爲切後漢書

孟嘗傳遷合浦太守郡不產穀實而海出珠寶與交阯

比境先時幸守并多貪穢詭人採求不知紀極珠遂漸

徙於交阯郡界嘗到官革易前敝求民利病曾未踰歲

去珠復還一統志蠻家自云海中珠池若城郭然其中

光怪不可嚮邇常有怪物護持按石成句言奇文欣賞

珠出句言海無遺珠皆用東粵故事而以兵須定障自

銷映合時事也珠出風雷卽怪物護持意詩子子于

旌舊唐書地理志嶺南道五管廣州中都督府桂州下

都督府邕州下都督府容州下都督府安南都督府
諸生見題凌烟圖書分北三苗（岑參詩）憑君傳語報
平安後漢書岑彭傳遷征南大將軍（孔文舉詩）赫赫
炎天路居易錄馬伏波銅柱一在憑祥州思明府南界
一在欽州分茅嶺交趾東界又於林邑北岸立三銅柱
為海界林邑南立五銅柱為山界（杜詩）迴首扶桑銅柱
標

書三危既宅三苗丕叙水經三危山在敦煌縣南一
統志三危山在安西廳沙州衛東南按安西隸甘肅
而此詩用之于東粵者史記吳起傳三苗氏左洞庭
右彭蠡一統志湖南岳州府古為三苗國地秦為長
沙郡通典長沙衡陽皆古三苗國湖南與廣東接壤
故梅村用之耳三苗丕叙在竄三苗於三危之後非
三苗之
舊居也

送李書雲蔡闡培典試西川

（揚州府志）李宗孔字
書雲江都人順治丁

亥進士由部郎授御史改給事中晉
大理少卿程迓亭曰蔡開培名瓊枝

柳陌征衫錦帶鉤 詔書西去馬卿游棧縈秦嶺千盤

細水落巴江萬里流兵火才人羈旅合山川奇字亂離

搜莫愁沃野猶難問取得揚雄勝益州 首句是送字次句典試西川三

四是西川途中所見五六轉到典試結句跟五六說下
亦有高瞻遐矚之象與前首同妙○盧昇之詩寒辭揚

柳陌季平甫詩征衫八月風鮑詩錦帶佩吳鉤 第二

句見送志衍入蜀 季詩芳樹籠秦棧一統志秦嶺在

咸寧藍田二縣南蘇詩蜀道走干盤 杜詩水落魚龍

夜一統志巴江源出陝西南鄭縣南之大巴嶺南流入
四川保寧府界左太冲詩濯足萬里流 兵火見遇南

相聞與羈旅見二十五日詩 奇字見行路難 三二國

志諸葛亮傳益州沃野千里 漢書揚雄傳字子雲蜀

郡成都人也益州見巫峽晉書習鑿齒傳晉氏平吳利

在二陸按第八句用其意

簪雲樓雜記蜀試始辛卯主司駐保寧時士子二百餘適有亭溪之警當路亟欲竣事二三塲并日而就解額七十二人按順治八年梅村尚未入都卽汪鈍翁郝公墓誌所謂監省試於保寧者也此首在梅村官本朝時當爲順治十一年甲午時全蜀尚有未靖而劉文秀等大亂之後應試者不皆土著之人後四句可謂語妙

送山東耿中丞青藜

中丞見東臯草堂歌山東通志巡撫都御史耿焯奉天人

順治十一年由本布政使陞任

三經持節領諸侯好時家風指顧收岱頂磨崖看出日
海邊吹角對清秋幕中壯士爭超距稷下高賢共唱酬

北道主人東郡守丹青剖策本營邱多從山東着筆○杜詩主恩前後三

持節漢書王嘉傳今之郡守重於古諸侯後漢書耿

弇傳建武二年更封好時侯家風見送杜敬武東都賦

指顧倏忽杜望岳詩岱宗夫如何又會當凌絕頂磨

崖見哭志衍看日出詳東萊行一統志山東東據海

自登州以南皆岬大海自萊州以東則曰渤海吹角見

松山哀清秋見贈家侍御壯士見雁門尚書行新序

楚邱先生年七十見孟嘗君將使我投石而超距平臣

已老矣使吾止出辭以當諸侯吾始壯也稷下見送

施恩山淮南子高賢稱譽已季有中詩詩惟互唱酬

後漢書耿弇傳光武指弇曰是我北道主人也漢書地

理志東郡秦置縣二十張如哉曰丹青謂圖畫于雲

臺也釋名策書教令于上所以驅策于下也營邱見送

送友人之淮安管餉一統志淮安府在江蘇布政使司西北七百五十里

高牙鼓角雁飛天佑舶千帆落照懸使者自徵滄海粟

將軍輒費水衡錢中原河患魚龍窟江左官租稷稻年

間道故鄉烽火急淮南幾日下樓船通首切定管餉結句點明淮安○潘

安仁詩高牙乃建鼓角見送朱司李周美成汴都賦

官艘賈舶千帆見送遠圖梁簡文帝詩落照度空窓

赤壁賦渺滄海之一粟漢書宣帝紀以水衡錢爲平

陵徙民起第宅注水衡天子私藏中原河患詳卽事

第五首註魚龍見送志衍入蜀江左見揚州韓詩官

租日輪納蜀都賦稷稻漠漠故鄉見贈吳雪航烽火

見閬州行淮南兒過淮

陰有感樓船見葦山兒

送隴右道吳贊皇之任甘肅通志隴右道吳臣輔直隸蠡縣人順治十二年

任畿輔通志崇禎癸未

科進士吳臣輔副使

笳鼓千人度隴頭使君斜控紫驊騮城高赤坂魚鹽塞
日落黃河鳥鼠秋移檄北庭收屬國闕兵西海取封侯

請傾百斛葡萄酒玉笛關山緩帶游

通首切定隴右控驢緩帶起結相應

○笳鼓見送李秀州三秦記隴頭流水鳴聲幽咽

舌

樂府使君從南來五馬立踟躕朱子詩傳止馬曰控紫

驢見馬草行

一統志慶山在漢中府城固縣北三十

五里峯頂有烽堠遺址西南三里有赤土坡其土色赭

周圍十五里亦名赤坂又于榆林府引漢書地理志上

郡龜茲縣有鹽官延緩志有碎金驛馬湖峪鹽在魚河

堡其鹽以人力煎熬而成又大鹽池在衛西接寧夏界

又有長鹽池紅鹽池西紅鹽池鍋底池狗池

一統志

黃河自西番經歸德所北又東經河州又東經蘭州北

至金縣又北入鞏昌府靖遠縣界鳥鼠山在渭源縣西

杜詩山空鳥鼠秋史記南越傳尉佗移檄告橫浦陽

山隄雞關自立爲南越武王杜詩月過北庭寒漢書宣

帝紀置金城屬國以處降羌 閱兵見送李秀州一統志青海北至肅州安西鎮王莽時始置西海郡隋大業五年置西海河源等郡史記衛將軍傳官至封侯百斛見葡萄酒葡萄酒見行路難王少伯詩更吹羌笛關山月緩帶見送何省齋

宋玉叔道上見除日吳贊皇擢莊浪副憲吳由鞏昌守道調璽書飛下古涼州旌節還爲出塞遊見說使星如弱水一生只解向西流

恭遇

聖節次安邱劉相國韻

一統志安邱縣在青州府城東南一百六十里山東通志崇禎

元年戊辰科進士劉正宗安邱人大學士安邱曹良夢弼曰正宗字憲石順治間大學士

興慶樓前捧玉觴金張岐薛儼分行龍生大漠雲方起

河出崑崙曰正長節過放燈開禁苑春將射柳幸平陽

燕公上壽 天顏喜親定甘泉賜宴章

似唐人應制詩三四比賦更工

○一統志興慶宮在西安府咸寧縣東南唐南內也東都賦列金罍班玉觴 金張見行路難元詩百官隊仗

避岐薛在詩雲鬢嚴分行 王詩大漠孤烟直易雲從

龍 漢書張騫傳贊禹木紀言河出崑崙崑崙高二千

五百里餘日月相避隱爲光明也潛夫論化國之日舒

以長 宋史禮志政和三年正月詔放燈五日禁苑見

退谷歌 金史禮志金因遼舊俗以乙丑五日行射柳擊

毬之戲史記外戚世家王太后長女號曰平陽公主武

帝後霸上還過主 河南府志張說字道濟洛陽人封

燕國公史記封禪書天子從封禪還坐明堂羣臣更上

壽杜詩天顏有喜近臣知 甘泉見送何省齋托

史韋師傳於卧內賜宴按唐人多待宴應制詩

朝日壇

次韻 畿輔通志朝日壇在朝陽門外西向每年春分祭遇甲丙戊庚壬年親

祭餘年遺
大臣攝祭

曉日曛曛萬象鋪六龍銜燭下平蕪石壇燿火燔元牡
露掌華漿飲渴烏不夜城傳宣夜漏王宮朝奉竹宮符

卽今東汜西崑處盡入銅壺倒景殊

詩與題稱藻不妄
抒○楊大年詩初

日曛曛艷屋梁萬象見鑿清湖注

易時乘六龍以御

天山海經天不足西北無陰陽故有龍銜燭以照天平

蕪見西田詩其三漢書郊祀志石壇仙人祠痊鸞路

駢駒寓龍馬按封禪書通權火索隱權如字一音燿周

禮有司燿燿火官庾詩露掌定高雲杜詩味如甘露

漿後漢書張讓傳作翻車渴烏用灑南北郊路以省百

姓灑道之費注渴烏爲曲筒以氣飲水上也齊地記

古有日夜出見於東萊故萊子立此城以不夜爲名晉

書天文志舌之談天者三家蔡邕言宣夜無師法周禮

挈壺氏世王挈壺水以爲漏禮記王宮祭日也注祭

上

日壇曰王宮竹宮見東萊行天問出自陽谷次于濛

汜陸士龍詩聲播東汜響溢南雲王無功詩心疑遊北

極望似陟西崑銅壺

見觀象臺倒景見海市

李退菴侍御奉使湖南從兵間探衡山洞壑諸勝

歸省還吳詩以送之

周櫟園結隣集李敬字聖一

聖一江南六合人順治丁亥進士官刑部侍郎

按一統志聖一六合人授行人擢御史出按湖

廣請免相稅改折黃絹稿師此云侍御奉使湖

南蓋正當以御史按湖廣之時而身至行間稿

師故云從兵間探勝也梅村以爲吳洞庭人者

以別於湖南之洞庭而非以爲吳縣人至六合

縣領於江寧府故櫟園舉其府舊說舉其縣耳

兵間見青門曲一統志衡山在衡州府衡山

縣西五嶽之一也後漢書

班固傳超洞壑越峻崖

一官之楚復遊燕歸去還乘笠澤船戎馬千山尋洞壑

鶯花三月美神仙路穿江底聞雞犬家在湖中接水天

原注待御吾

吳洞庭人也

不似少陵長作客祝融峯下任年年

首句自湖

南復

命次句還吳三四兵間探勝五六還吳結句

對照妙有別趣

○一官見哭志衍陳伯玉詩游楚復游

燕笠澤船見送何省齋

戎馬見題志衍畫千山見

雁門尚書行

邱希範與陳伯之書暮春三月江南草

長雜花生樹羣鶯亂飛張道濟洞庭詩聞道神仙不可

接心隨湖水共悠悠

路穿江底見林屋洞按第五句

指穿山第六句指太湖并已見

少陵見贈杜退之杜

詩湖南爲各動經春

又南爲祝融峯一統志祝融峯

在衡山縣西北距嶽廟三十里乃七十

二峯最高者來鵬詩爲言憔悴過年年

退菴讀水經注懷洞庭詩坐倚巴邱俯洞庭君山一

十二峯青不聞修竹來仙吹但有孤鴻送客舲欲辨

水天惟北斗若當風雨卽南溟舊游浩渺如春夢兀
看鄜元注水經王叔子和寺相思何處折芳馨望斷
黃陵舊日亭秋水依稀聞落葉楚天髣髴見揚舲洲
邊子成三春綠樓外君山一帶青太息雲中君在否
不堪重問道元經王貽上和詩楚望經時入窅冥岳
陽樓上數峯青會臨南極浮湘浦坐對西風憶洞庭
斑竹想從春後長落梅猶向笛中聽新詩吟罷愁多
少腸斷當年帝子靈汪茗文和詩曾持使節遠揚舲
落木層波共杳冥澤畔有人哀郢客雲中何處降湘
靈雨過斑竹干叢綠潮落芳蘭兩岸青回首舊游今
阻絕不堪寂
冥對遺經

得蒲州道嚴方公信却寄

蒲州道嚴方
公并已見

西風對酒夢魂勞聞道蒲津着錦袍山遶塞垣長坂峻
河分天地斷崖高登樓楚客看雲樹隔岸秦人拜節旄

回首舊游飛雁遠書來嚴助問枚臯

起結得信却寄中
四切蒲州說嚴助

指方公枚臯自比也○

劉希夷詩夢魂何翩翩

一統

志蒲津關在永濟縣黃河西岸錦袍見贈馮總戎

空文明詩烟蕪滿洞青山繞晉書石勒載記東至於河

北至於塞垣史記司馬相如傳登陂陀之長坂今一統

志蒲坂故城在蒲州府城東南司空文明詩河分岡

勢斷陸魯望詩蒼翠無言空斷崖按方公孝感人而

王仲宣所登樓在荊州故以楚客爲喻王元禮詩結廬

同楚客杜詩鄂渚分雲樹釋處默詩隔岸越山多節

旄見雜感左傳僖三十三年及諸河則在舟中矣釋左

驂以公命贈孟明孟稽首曰三年將拜君賜我一統

志蒲州府西至陝西同州府朝邑界五里南至陝西華

州潼關縣界六十里春秋文十二年晉人秦人戰于河

曲杜預注在河東蒲坂縣南第六句卽拜賜事而變化

用之疑有鬼工舊游見虎邱夜集圖宋延清詩陽月

南飛雁傳聞自此同漢書嚴助傳會稽吳

人又枚乘傳臯亡至長安自陳枚叔之子

送趙友沂下第南歸

友沂詳哭友沂後漢書獻帝紀試儒生四十餘人上第賜

位郎中次太子舍人下第者罷之按南歸歸揚州府

秋風匹馬試登臨此日能無感慨心趙氏只應完白壁

燕臺今已重黃金鄉關兵火傷王粲京國才名識杜欽

最是淮南遇播落相思千里暮雲深

首句赴試次句下第三四就下第說

點染有情五六比也漸引南歸意結句點出南歸

詩匹馬逐秋風劉公幹詩感慨以長嘆更記藺相

如傳臣願奉璧往使城入趙而璧留秦城不入臣請完璧歸趙

黃金臺見夜宿阜昌

崔顥詩日暮鄉關何處是

三國志王粲傳字仲宣山陽高平人也

鮑詩君王遲京國漢書杜延年傳子綏嗣綏六弟惟中弟欽官

不至而最知名

一統志揚州府表

唐至德初兼置淮南節度播落見讚佛詩黃魯直詩相思千里夕陽殘

懷王奉常烟客

把君詩卷問南鴻，憔悴看成六十翁。
老去祇應添髣髴，雪愁來那得愈。
頭風田園蕪沒支筇，懶書畫蕭條隱几空。
猶喜梅花開遶屋，臘醅初熟草堂中。

因得詩而有懷情詞並美髣髴雪頭風

工對○把君詩卷見別丁飛濤馬虞臣詩霜霰逐南鴻
杜詩老去悲秋強自寬又衰鬢千莖雪 三國志注
典畧曰陳琳作諸書及檄草成呈太祖太祖先苦頭風
是日疾發讀琳所作翁然而起曰此愈我疾 支筇見
虎邱夜集圖 遶屋見礬清湖

陸務觀詩臘醅初見拆泥封

送友人從軍閩中

從軍見行路難史記東越傳秦以其地爲閩中郡

客中書劍愴離羣，貰酒新豐一送君。
絕嶠烽烟看草檄

高齋風雨記論文中宵清角猿啼月百道飛泉馬入雲

詔諭諸侯同伐越可知勞苦有終軍

起二句點明送字三句從軍闕

中四句追寫京師用一記字便成活句五六從軍道中所聞所見結句切定闕中命意最佳○書劍見弔衛紫

岫離群見送繼起和尚黃酒見海戶曲子山春賦入

新豐而酒美一統志新豐故城在西安府臨潼縣東北

按梅村在京送人故借用爾雅釋山山銳而高曰嶠

烽烟見宮扇李詩君草陳琳檄高齋見汲古閣歌

中宵見支硎山齋聽雨後漢書劉昆傳能彈雅琴知清

角之操郎君肖詩猿窺夜月啼蘇詩但見兩崖蒼蒼

暗絕谷中有百道飛來泉李詩雲傍馬頭生史記韓

長孺傳閩越東越相攻安國及大行王恢將兵未至越

越殺其王降勞苦見投贈馬公漢書終軍傳字子雲

濟南人擢諫議大夫遣使南越說其王令入朝軍自請

願受長纓必羈南

越王而致之闕下

其二

平生不識李輕車被 詔揮鞭白鼻騮
簫鼓濟江催落

木旌旗衝雪冷梅花胡床對客招
虞寄羽扇麾軍逐呂

嘉自是風流新制府王孫何事苦思家

此首就所從之人而言即王仲

宣所謂從軍有苦樂但問所從誰也揮鞭王孫俱指友人說○漢書李廣傳從弟李蔡武帝元朔中爲輕車將軍鮑詩始從張校尉後逐李輕車

揮鞭見讚佛詩李詩銀鞍白鼻騮 簫鼓見圓圓曲杜詩濟江元自濶

馬虞臣詩馬頭衝雪度臨洮 胡床見楚兩生行南史

虞寄傳字次安會稽餘姚人也陳寶應據有閩中得寄甚喜及寶應潛有逆謀寄微知其意每陳逆順之理寶

應旣擒唯寄以先識免禍除東中郎建安王諮議加昭戎將軍 晉書顧榮傳廣陵相陳敏反榮麾以羽扇其衆潰散晉書地理志漢武帝元鼎六年討平呂嘉以其

地爲南海蒼梧鬱林合浦日南九真交趾七郡制府
見壽申青門楚辭王孫遊兮不歸春草生兮萋萋思
家見訪

霍魯齋

張如哉曰五六皆一句中兩使事胡床對客暗用庾
亮事而招虞寄則明用事切閩中羽扇揮軍暗用顧
榮事而逐呂嘉則明用事切閩中又五句以虞寄比
友人六句則以顧榮比友人對法參差變化 鈕玉
樵送湯素公從軍閩中吳鈞雙帶錦裘新佐府才名
動八閩路入故園仍作客身緣薄宦尚依人紅亭蒜
嶺携尊夕翠幄捲城奏角晨絕勝
儒生披短褐悠悠書篋老風塵

紀事

漢書藝文志右史記事
更記索隱紀者記也

鄂杜山南起直廬從禽載筆有相如秋風講武臨熊館
乙夜橫經勝石渠七萃車徒堪討習百家圖史可佃漁

上林獸簿何曾問叩馬無煩諫獵書

此因從獵而紀事即梅村之諫獵書

也末句從岑參聖朝無闕事自覺諫書稀化出與起二

句相應○鄴杜見退谷歌直廬見汲古閣歌易即鹿

無虞以從禽也禮史載筆士載言漢書揚雄傳先是蜀

有司馬相如作賦甚麗禮乃命將帥講武習射御漢

書揚雄傳注師古曰長楊宮名也在整屋縣其中有射

熊館漢舊儀畫漏盡夜漏起省中黃門持五夜五夜

者甲夜乙夜丙夜丁夜戊夜陳書周宏正傳橫經請益

有師資之敬焉石渠見凌烟圖穆天子傳七萃之士

生捕虎天子蓄之周禮大司馬中冬教大闢乃陳車徒

如戰之制太史公自序整齊百家言語唐書揚綰傳

左右圖史易作結繩而爲網罟以佃以漁蓋取諸離唐

書張鎬傳視經史猶漁獵史記張釋之傳上問上林

尉諸禽獸簿又司馬相如傳常從上至長楊

獵上疏諫之杜詩袖中諫獵書叩馬久上陳

送汪均萬南歸

按唐詩正叅訂姓氏汪希汲字均萬蘇州府人

扁舟春草五湖寬歸去餘醺架未殘撥刺錦鱗初上筍

團枝珠寶已堆盤瘦瓢量水僧燒筍拳石分泥客買蘭

四月山塘風景好知君端不憶長安

大致與送胡彥遠相似○群芳譜醺

醺籐身灌生青莖多刺盤作高架二三月間爛熳可觀

本名茶蘼一種色黃似酒故加酉字溫飛卿詩金鱗

撥刺跳晴空李詩漢口雙魚白錦鱗陳唐卿詩海鮮常

入筍楊誠齋詩青子團枝失紅簇北戶錄古度樹

實從木皮中出如綴珠寶大如櫻桃紅即可食宋子楨

柳詩雞心磊落看堆盤高季迪詩酒滿長生瘦木瓢

黃魯直詩煨筍充盤春竹林羣芳譜養蘭於梅雨後

取溝內肥泥曝乾羅細脩用陸務觀詩陰陰簾幕燕分

泥山塘見玉京彈琴歌狂詩自

是江南好風景又未解憶長安

壽座師李太虛先生

放懷天地總浮鷗客裏風光爛熳收一斗濁醪還太白

二分明月屬揚州錦箏士女觴飛夜鐵笛關山劍舞秋

猶有壯心消未得欲從何處訪丹邱三四點染最工以太虛時在揚州也

結句暗寓壽字○溫飛卿詩自欲放懷猶未得杜詩飄

飄何所似天地一沙鷗陸務觀詩烟波萬里一浮鷗

元裕之詩風光爛熳借歡席杜詩李白斗酒詩百篇

濁醪見琴清湖杜牧之詩明月滿揚州徐凝詩天下

三分明月夜二分無賴是揚州梅村李太虛壽序歐陽

卜居穎上先生亦僑寓維揚楊廉夫詩十二飛鴻上

錦箏觴飛見癸巳禊飲鐵笛見避亂杜詩三年笛裏

關山月射舞見贈馮訥生注曹孟德樂府壯心不已

藝苑卮言揚用修在滇攜妓縱飲有規之者用修

其二

答書云聊以耗壯心遺餘年耳丹邱見海市

好客從無二頃田勝游隨地記平泉解衣白日消碁局

岸幘青山八釣船故國風塵驚晚歲天涯歌舞惜流年

篋中別有龍沙記不許傍人喚謫仙五六最工壽字亦暗寫○好客見壽

申青門二頃田見贈陸生白詩勝遊從此始平泉見

離橋莊歌解衣見六真歌楚辭晉制犀比費白日些

李遠詩長日惟消一局碁岸幘見送紀伯紫杜詩

一卧滄江驚歲晚陸務觀詩試憑絲管餞流年張

子壽扇賦乃委棄于篋中龍沙見

呈李太虛杜詩號爾謫仙人

其三

讀易看山愛息機閉門芳草雁還飛江湖有夢爭南幸

滄海無家記北歸烟水一竿思舊隱兵戈十口出重圍

杜陵豈少安危志老大飄零感布衣

三四真摯結句略
寓壽字○程子詩

閒坐小窓讀周易看山見商倚郊居杜詩回首風塵甘

息機梅村李大虛壽序天子再召用決大計爭南遷

深當上旨事不果行明史李邦華傳李自成陷山西邦

華密疏請帝固守京師倣永樂朝故事太子監國南都

居數日未得命又請定永二王分封太平寧國二府拱

護西京帝得疏意動繞殿行且讀且歎將行其言會帝

召對群臣中允李明睿疏言南遷便給事中光時亨以

倡言洩密糾之晉書王尼傳有一子無居宅常嘆曰

滄海橫流處處不安也司空文明有賊平後送人北歸

詩溫飛卿詩五湖烟水獨忘機岑參詩辜負一漁竿

項子遷詩舊隱水邊村兵戈見王石谷畫杜詩十口

隔風雪史記項羽紀圍之數重李大虛壽序先生流離

嶮岨浮海南還家園烽火禍亂再作僅以其身漂泊

於江山風月之間杜詩杜陵有布衣老大意轉拙

其四

廬頂談經破碧苔十年不到首重回風清鐘鼓吳山出

雲黑帆檣楚雨來痛飲長江看自注異書絕壁訪應開

芒鞋歸去身差健白鹿諸生掃講臺

三四清拔結句亦帶壽字首尾相應

○按廬頂廬山之頂也王詩揚子談經處司空表聖詩

品亂山高木碧苔芳暉杜詩西江首獨回吳山見

壽龔芝麓杜詩波漂菰米沉雲黑帆檣見海濫蘇詩

楚雨還昏雲夢澤世說王孝伯曰痛飲讀離騷可稱

名士應碩祝社文有酒如江說文注灌也張如哉曰注

之江本孟子異書見汲古閣歌中郎注謝靈運山居

賦凌絕壁而起岑芒鞋見贈蒼雪白鹿見呈李太

虛李太虛壽序先生性彊直爲臺諫所中隱居白鹿講

授生

徒

按圖經九江府西挹武昌東引皖口三四句用之

吳詩集覽卷十三下

七言律詩三之下

寄房師周芮公先生

并序

偉業以庚午受知於晉江周芮公師進謁潤州
官舍維時上流無恙京口晏然吾師以陸生入
雒之年弟子亦終軍棄繻之歲南徐月夜北固

江聲揮麈論文登樓置酒笑譚甚適賓從皆賢

此段序初謁芮公時○天倉州志崇禎三年庚午舉人吳偉業明史地理志泉州府晉江倚福建通志周廷鑑字芮公晉江人天啟乙丑進士鎮江推官擢吏部考功稽勳文選員外謫外歸

〔鎮江府志〕廷鑪天啟七年任庚午分校南闈首
拔吳偉業癸酉分校山東所得多知名士行取
吏部文選司主事

〔一統志〕鎮江府隋開皇十

五年置潤州官舍見送施愚山

〔左傳〕襄十四

年秦人壽涇上流

〔水經注〕京口丹徒之西鄉

也

晉書陸機傳太康末與弟雲俱入洛南史

宋諸王傳袁淑嘗詣彭城王義康義康問其年

答曰鄧仲華拜衮之歲義康曰身不識也淑又

曰陸機入洛之年

終軍見送友人從軍漢書

終軍傳初軍從濟南當詣博士步入關關吏予

軍繻軍問以此何爲吏曰爲復傳還當以合符

軍曰大丈夫西游終不復傳還棄繻而去

南

徐見贈馮訥生

北固見閩園詩序

揮塵見

東臯歌注

王仲宣有登樓賦

〔宋史藝文志〕

林下笑譚一卷

已而入主銓衡地當清切周

賓從見壽王子彥

旋禁近提挈聲華拜別河梁十有八載滄桑兵

火萬事都非

此序芮公內陞吏部適逢國變也

○晉書周顛傳職掌銓衡

清切

禁近見送沈繹堂

漢書張耳陳餘傳以兩賢

王左提右挈聲華見送何省齋

季少卿詩攜

手上河梁遊子暮何之

滄桑見海戶曲註兵

火見遇南廂園叟

杜詩嘆息人間萬事非

偉業負耒躬畊誓終沒齒不謂推遷塵事潦倒

浮生病苦窮愁羈縻煎迫師以同徵獨得不至

方推周黨其美管寧而家居窮海身受重圍羽

檄時聞音塵莫及

此序梅村被

召芮公辭

畊見汲古閣歌

謝靈運詩逐物遂推遷陶詩

閒居三十載遂與塵事冥

潦倒見送何省齋

浮生見二十五日詩

窮愁見琴清湖序

漢

書匈奴傳羈縻不絕古焦仲卿妻詩漸見愁煎

迨魏書高允傳同徵之人周穢殆盡漢書

應曜傳隱於淮陽山中與四皓俱徵曜獨不至

時人語曰商山四皓不如淮陽一老周黨見

寄當事諸老管寧見閻園詩其一後漢書

耿恭傳論余初讀蘇武傳感其茹毛窮海不爲

大漢羞重圍見壽李太虛羽檄見雁門尚

書行注儲光羲雖然江南近信已泊樓船京

詩顧我闕音塵

峴舊游皆非樂土何必無諸臺上始接烽烟歐

冶城邊纔開壁壘也此序江南被兵之事蓋梅村時官京師故于閩吳俱

作傳聞之詞樓船見董山兒一統志京峴

山在丹徒縣東五里詩適彼樂土按一統志

順治七年前沿江多盜海寇犯鎮江在梅村未赴

召以前十六年海寇陷鎮江在梅村南歸

以後郎廷佐奉天人順治十三年總督江南捍

海寇有功此詩正當其時耳無諸臺見送林

衡者 烽烟見官扇（一統志）冶山在福州府城東北隅山西北有歐冶池相傳歐冶子鑄劍之地又引明統志歐冶池在府城中布政司治所（漢書英布傳）深溝壁壘分卒守徼乘塞

既知援師南下山郡依然鄭樵居第可保圖書
揚僕軍營惟聞笳吹欣故人之杖屨致遠道之
郵筒爰作短章聊存微尚抒平生於慷慨寫盡

日之羈愁庶幾同經喪亂識此襟情雖隔山川

無殊會面云爾此序晉江兵罷爲芮公慰藉而結到賦詩相寄也○山郡見高

涼司馬行鄭樵居第見送林衡者注 圖書

見松鼠（史記酷吏傳）楊僕者官陽人也南越

反拜爲樓船將軍又東越傳樓船將軍楊僕使
使上書願便引兵擊東越 笳吹見謁張石平

禮杖屨祇敬之漢書賈山傳古者養三老於
大學公卿奉杖大夫進履遠道見行路難釋
貫休詩尺書裁罷寄郵筒顏延年詩頌酒雖
短章謝靈運詩伊余秉微尚拙訥謝浮名慷
慨見又咏古羈愁見訪文學博世說許掾
嘗詣簡文襟情之咏乃是許之所長古詩會
百安

可知

惆悵平生負所知尺書難到雁來遲
枕椰月暗巖城閉
鷓鴣風高畫角悲湖裏逢仙占昔夢
洞中遇叟看殘碁

脫身衰白干戈際筍屐尋山話後期

起句惆悵平生負所知與第四首結

句誤玷名賢啓事中相爲照應是四首中大章法也三
四言晉江被兵是尺書難到之由五六轉到脫身于戈
八句點出寄詩○惆悵見西田詩尺書見送何省齋
許仲晦詩鄉書無雁到家遲枕椰見哭志衍巖城見

石公山

鵝鳩

見送林衡者歸閩社詩城關秋生畫角

哀(一統志)

九鯉湖在興化府仙遊縣東北漢元符間

何氏兄弟九人煉丹於此煉成各乘一鯉仙去詩詢之

占夢 廣輿記高蓋山在福州府永福縣道書第七福

地石門插天有牧兒徐氏飯牛山椒遇二人奕遺徐一

碁子叱令歸遂精手談往往與二人遇得修煉訣一日

仙去(一統志)

高蓋山巨石如墻道出其中上有東西二

石室對峙(又云)

漢徐登永福人少牧牛山巔遇異人得

仙術(陸務觀詩)

客歸童子拾殘碁 脫身見避亂衰白

見送何省齋

筍屐見二十五日詩尋山見贈文園公

周德卿詩

山

川後期澗

其二

其二

北府風流坐嘯清蕭郎白恰愛將迎蒜山望斷江干月

荔浦愁看海上城劉寄關河雖險塞盧循樓艦正縱橫

莫嫌戰鼓鄉園急瓜步年來已用兵

起二句卽序中南徐北固六句之意

下卽序中江南近信已泊樓船何必無諸臺上始接烽

烟之意○北府見投贈馬督府後漢書黨錮傳叙宏農

成瑨但坐嘯梁書武帝紀王儉謂何憲曰此蕭郎三

十內當作侍中張如哉曰武帝南蘭陵人蘭陵卽今鎮

江故以比苻公又以三十內比苻公之年也晉書五行

志魏武擬古皮弁裁縑帛爲白帟以易舊服將迎見纂

清湖序蒜山見畫中九友歌李義山詩望斷平時翠

輦過范彥龍詩江干遠樹浮漢書地理志蒼梧郡荔

浦有荔平閣一統志荔浦縣在廣西平樂府西少南七

十五里王詩愁看北渚三湘遠程迓亭曰時鄭成功寇

持兩廣福建故云南史宋武帝紀諱裕小字寄奴彭

城縣綏輿里人姓劉氏晉氏東遷移丹徒之京口里閩

河見避亂賈誼過秦論善津梁據險塞晉書盧循傳

娶孫恩妹及恩作亂與循通謀恩亡餘衆推循爲主劉

裕討循至晉安循窘急泛海舉衆寇南康廬陵豫章諸

郡戎卒十萬舳舻千計逕至江寧樓艦見高郵道中

賦鼓見東萊行孟詩書此示

鄉園

瓜步見送周子俶

梅村自跋晉江黃東崖先生和予此詩中一聯曰微
書鄭重眠食損法曲淒涼涕淚橫知已之言讀之感
歎梅村傅石漪詩序余蚤歲受知於溫陵周芮公
先生以吏部郎典選相國東崖黃公時在左坊兩公
者同里同籍有詩名亂離分隔余爲詩以郵寄先生
於閩中先生偕相國和海內追數其交游而相與
爲傳誦福建通志黃景昉字東浬晉江人天啟乙
丑進士八相乞假歸明史黃景昉傳國變後家居十
數年始卒

其三

但若盤桓便見收

詔書趨迫敢淹留

趨趨玉切音促

始知處

士青門里須傍仙人白石樓晉室衣冠依嶺嶠越王刀

劍閉林邱少微却炤南天遠榕樹峰高隱故侯

前牛首是師以

同徵後半首是獨得不至也

○盤桓見贈家侍御收見

老妓行

晉書李密傳郡縣逼催臣上道淹留見九

友歌

青門見青門曲

南史陳武帝紀廣州言仙人

見于羅浮山寺小石樓

李詩晉代衣冠成古邱方輿

覽勝晉江在晉江縣南晉南渡後衣冠士族避地者多

沿江以居故名一統志福建西抵江廣北距嶺嶠拾

遺記越王勾踐使工人以白馬白牛祀昆吾之神採金

鑄之以成八劍之精史記淮陰侯傳好帶刀劍杜詩石

門斜日到林邱張如哉曰越王指東越王非謂勾踐也

刀劍指甌冶池漢書李尋傳注少微四星在大微西

主處士儒學之官高達夫詩南天瘴癘和榕城隨筆

關中多榕樹榦既生枝枝又生根垂垂如流蘇或本榦

自相依附若七八樹叢生者多至數十百條合

並爲一史記蕭相國世家召平者故秦東陵侯

其四

白鶴青猿叫晚風苦將身世訴飄蓬干灘水惡盤渦險

九曲雲迷絕磴空廣武登臨狂阮籍承明寂寞老揚雄

巨源舊日稱知己誤玷名賢啟事中

前半首是羈縻煎迫後半首與第一

首相應

○白鶴青猿見題河渚圖注

飄蓬見江樓別

季令

干灘見讀史雜感盤渦見短歌

一統志武夷

山綿亘百二十里有三十六峰三十七巖溪流繚繞其

間分爲九曲按干灘九曲皆比也不必指定某山某水

唐書薛元超傳絕磴險塗

晉書阮籍傳登廣武戰場

曰時無英雄使豎子成名

漢書揚雄傳孝成時召雄

待詔承明之庭又解嘲惟寂惟寞守德之宅

巨源啟事見鴛湖曲杜詩名玷薦賢中

卽事

卽事見讀史雜詩

夾城朝日漸臺風玉樹青葱起桂宮

原註時乾清宮成

謁者北

衙新掌節

原註初設內監

郎官西府舊乘驄

原註新選部郎爲巡方

叔孫

禮在終應復蕭相功成固不同百戰可憐諸將帥幾人

高會未央中

卽事十首蓋卽十一卷雜感之類此首連舉數事而大氣包舉筆力甚適○夾城見

殿上行漢書翼奉傳

孝文時未央宮獨有前殿曲臺漸臺宣室溫室承明耳

清門以內殿廷之制度例弗敢載

青葱見行路難其五

桂宮見彈琴歌

漢書百官公卿表謁者秩比六百石

注謁請也白也

唐書兵志南衙諸衛兵是也北衙禁軍

也周禮掌節掌守邦節而辨其用

後漢書明帝紀郎官上應列宿

唐書藝文志

蕭淑西府新文十卷西府疑卽西臺西臺詳題

高澹游畫

後漢書桓典傳爲侍御史常乘驄馬

晉書百官志

尚書郎西漢舊置四人以分掌尚書至魏青龍二年凡二十五郎

梁昇卿詩

從來漢京盛未若此

巡方

更記叔孫通傳上旣觀使行禮曰吾能爲此

蕭相見退谷歌

百戰見楚兩生行

高會

見遇劉雪舫一統志未央宮在西安府長安縣西北

其二

六龍初幸瞭鷹臺

集作瞭鷹非

千騎從官帳殿開南苑車聲

穿碧柳西山馳道夾青槐繙書夜半移燈召教射樓頭

走馬來聞道上林親試士卽今誰是長卿才

此紀陪從校射之事

○六龍見朝日壇瞭鷹臺見海戶曲 千騎見雒陽行從官見讚佛詩帳殿見海戶曲 南苑見海戶曲注季君虞詩碧柳青青塞馬多 西山見遇劉雪舫岑參詩青槐夾馳道 范致能詩眼明無用且繙書季義山詩自携明月移燈疾 戰國策此可教射也已任仲初詩騎馬行人長遠過恐防天子在樓頭 上林見永和宮詞黃文江詩丹詔宣來試士初 司馬相如傳字長卿

其三

元僚白髮領槐廳風度須看似九齡疏乞江湖陳老病

詔傳容貌寫丹青

原註曹村相公乞休不允畫其像賜之

從游西苑花

初放侍宴南臺酒半醒最是御書房下過賜茶清燕共

談經

此首紀金文通之恩遇也蘇州府志金之俊吳江人順治十五年爲中和殿大學士歷加大傅改內

秘書院大學士康熙元年致仕○元僚見題凌烟圖續翰林志學士院第三廳有一巨槐素號槐廳居此閣者

往往入相

唐書張九齡傳字子壽韶州曲江人遷中

書令帝每用人必曰風度能若九齡乎

漢書杜周傳

杜延年爲御史大夫視事三歲以老病乞骸骨天子優

之狂詩丹青憶舊臣曹村見虎邱祖席漢高帝詔

有能從我遊者吾能尊顯之一統志明初燕王府建於元之皇城舊址卽今之西苑也瓊華島在西苑太液池

上大液池在西苑中唐書順帝紀侍宴魚藻宮金鰲退食筆記瀛臺舊爲南臺明李文達賢賜遊西苑記云南臺林木陰森過橋而南有殿曰昭和門外有亭臨岸沙鷗水禽如在鏡中本朝順治年間別建宮室爲避暑之處蘇檢詩樓上清風酒半醒南都賦御房穆以華麗周子充詩勅使傳宣坐賜茶漢書劉向傳願賜清燕之間指圖陳狀談經見壽李太虛

其四

列卿嚴譴赴三韓貫酒悲歌行路難妻子幾隨關外去
都人爭擁路旁看樂浪有吏崔亭伯遼海無家管勿安

盡說日南多瘴癘如君絕域是流官

此首悲陳彥升之遠謫也見咏拙政

園山茶花詳贈遼左故人結二句作慰藉之詞蓋彥升北徙故以日南作對照耳○魏志國淵傳居列卿宋延

清詩逐臣北地承嚴譴三韓見凌烟圖序

賈酒見海

口曲悲歌見臨江泰軍行路難見行路難

一統志山

海關本居渝關地也在永平府盧龍縣東一百八十里

按通典作臨渝關今爲臨渝縣岑參詩都人夾道看

又當使路旁看雲谷雜記司馬溫公元豐末來京師都

人競觀卽以相公目之左右擁塞馬至不能行一統

志漢時所置遼東樂浪元菟三郡多屬今奉天府治之

東南及朝鮮界內地後漢書崔駰傳字亭伯涿郡安平

人實憲出擊匈奴駰爲主簿憲不能容出爲長岑長遂

不之官而歸漢書地理志樂浪郡縣長岑遼海見山

茶花序管幼安見閩園詩其一注後漢書公孫瓚傳

日南多瘴氣南史任昉傳寄命瘴癘之地絕域見行

難路

按梅村女厝志司農再相未一歲用言者謫居潯陽

取最少子從其二在南獨留直方京師已而相國召

入京爲宿衛再以他事下請室家人咸被繫全家徙

遷左用流人法此詩首云列卿蓋去司農未久也與

贈遼左故人之三公異妻子幾隨關外去則未隨關
外去也與贈遼左故人之盡室可憐逢將吏異絕域
流官則未用流人法也與贈遼左故人之垂死絕塞
異而都人爭擁暗祝賜環詩蓋作於彥升初謫瀋陽
時耳

其五

黃河東注出潼關本濟漕渠竟北還淮水獨流空到海

原註淮水爲黃河所逼始于清口濟漕
河去則淮竟入海此清江關所以涸也汴堤橫嚙不逢

山天心豈爲投圭璧民力何堪棄草菅瓠子未成淇竹

盡龍門遠掛白雲間原註金龍口決用柳梢作土牛塞
河功竟不就悼兩河民力之盡也

此梅村河渠書也與風雲月露之詞不同○一統志
黃河自同州朝邑縣流入華陰縣東北合渭水又經潼

關縣北折而東入河南閿鄉界詩豐水東注 史記河

渠書悉發卒數萬人穿漕渠三歲而通明史河渠志永

樂九年會通河已開黃河與之合漕道大通一統志

黃河自汴梁至徐經邳宿桃源三義鎮入口由毛家溝

抵清河縣後謂之大清口會淮流過漁溝達安東縣界

下雲梯關入海謂之老黃河明嘉靖初三義口塞南從

清河縣前亦與淮合謂之小清口又清江浦在淮安府

山陽縣西北三十里右運道自郡城東北入淮宋轉運

使喬維岳開此直達清口明永樂初陳瑄重濬置閘

又隋堤一名汴堤隋大業元年築西通濟水南達淮泗

幾千餘里亦名三里堤以去開封府城三里也說文蓄

壘也書克享天心漢書王尊傳遷東郡太守河水盛

溢泛浸瓠子金堤尊親執圭璧使巫策祝請以身填金

堤因止宿廬居堤上而水波稍却漢書賈誼傳若刈

草菅然綱目質實瓠子河今謂之瓠子口在大名府

開州城西南二十五里淇竹見龍腹竹歌王之渙詩

黃河遠上白雲間一統志順治九年河決封邱大王廟

口從長垣趨東昌北入海十一年決口塞按明史河渠

志皆作封邱金龍口蓋金龍卽大王廟口龍門卽金龍口此詩所咏蓋十一年以前事按一統志淮安府境當黃淮交會之衝又爲運道咽喉黃強淮弱衝決靡常聖祖仁皇帝首開海口以導黃注海次闢清口閉六壩築高堰以障淮敵黃由是黃淮水均兩河底績淮南百萬生靈咸登衽席梅村蓋未及見之耳

其六

西山盜賊尚縱橫白晝畿南桴鼓鳴誰道盡提龍武將
翻教遠過閩閩城軍需苦給嫖姚騎節制難逢僕射營

斥埃但嚴三輔靖願消兵甲罷長征

此首卽梅村刑法志也前四句憂近

盜後四句思名將有不勤遠略之意張如哉曰豈謂盡煩回紇馬翻然遠救朔方兵三四句法仿之○杜詩西山寇盜莫相侵又羣盜尚縱橫賈誼陳政事疏白晝大都之中後漢書董宣傳爲洛陽令搏擊豪強莫不震

慄京師歌之曰枹鼓不鳴董少平按禮運黃梓而士鼓與枹同杜詩龍武新軍深駐輦闔閭城見虎邱夜集圖十六國春秋南涼錄課農桑以供軍需漢書霍去病傳再從大將軍受詔子壯士爲票姚校尉按票字詩家多作嫖蕭子顯詩夫嫖仕嫖姚荀子桓文之節制不可以敵湯武之仁義杜詩僕射如父兄漢書李廣傳然亦遠斥侯未嘗遇害侯一作埃三輔見退谷歌杜詩肯銷金甲事春農王少伯詩萬里長征人未還通鑑綱目上召郭子儀還京師以李光弼代之光弼治軍嚴整始至號令一施士卒壁壘旌旂精彩皆變是時朔方將士樂子儀之寬憚光弼之嚴按綱目肅宗至德二載貶子儀爲左僕射而此詩第六句似指光弼

侯考

其七

新傳使者出皇都十道飛車算國租故事已除將作監

他年須尚執金吾主持朝論垂魚袋料理軍書下虎符

始信蕭曹務休息太平良策未全無

此首卽梅村食貨志也結句與第六

首同妙○皇都見宮扇

通典貞觀初并省州縣始於

山河形便分爲十道一曰關內道二曰河南道三曰河

東道四曰河北道五曰山南道六曰隴右道七曰淮南

道八曰江南道九曰劍南道十曰嶺南道蘇詩我欲乘

飛車國相見蘆州行漢書蘇武傳明習故事唐書百

官志將作監二人少監二人掌土木工匠之政後漢

書陰皇后紀仕宦當作執金吾漢書儒林傳董仲舒

能持論崔澄瀾野燎賦方望會于朝論舊唐書輿服志

咸亨三年五月五品以上賜新魚帑并飾以銀垂拱二

年五月諸州都督刺令并准京官帶魚帑晉書王徽

之傳桓冲曰卿在府日久比當相料理軍書見次走馬

詩漢書高五王傳王欲發兵非有漢虎符驗也蕭曹

見功臣廟史記曹相國世家簪百姓離秦之酷後參與

休息無爲故天下俱稱其美矣杜淹文中子世家見

隋文帝因奏太平十有二策
唐書薛登傳收實用之良策

其八

柳營江上羽書傳白馬三郎被酒眠無意漫提歐冶劍
有心長放呂嘉船金錢北去綠求印鐵券南來再控弦

廟算只今勤遠略伏波橫海已經年

此首卽梅村兵志也說附後○一統

志九龍江一名龍溪自龍巖州漳平縣流入漳州府龍溪縣界其下流一名柳營江羽書見與友人譚遺事五代史閩世家王審知狀貌雄偉常乘白馬軍中號白馬三郎史記高祖紀高祖被酒夜經澤中吳越春秋干將者吳人也與歐冶子同師俱能爲劍呂嘉見送人從軍史記平準書農工商交易之路通而龜貝金錢刀布之幣興焉求印見揚州漢書高祖紀丹書鐵契金匱石室隋書李穆傳賜以鐵券恕其十死漢書婁

敬傳控弦四十萬騎孫子兵未戰而廟算勝者得算
多也左傳僖九年齊侯不務德而勤遠略張正言詩
伏波橫海舊登壇宋
延清詩少別已經年

此首刺鄭芝龍也柳營江點出閩地第二句寫
其跋扈三四承第二句說是驕詐之狀五六是狡黠
之情引出結句結則言近旨遠含蓄不露極合風人
之旨詳補註
間立朝時
乃圓圓曲雜感之其四其五于吳逆不少假借而滇
池鏡吹第一首預知有吳逆之變此首備寫鄭芝龍
之事其防微杜漸之意纏綿悱惻寓于言外
長于筆墨間也

其九

秋盡黃陵對落暉長沙西去不能歸甘寧舊壘潮初落

陶侃新營樹幾圍五嶺烽烟城郭改三湘征調吏人稀

老臣裹革平生志往事傷心尚鐵衣

時楚粵未靖故有此作○賈閻仙詩

聯句逢秋盡黃陵廟見贈吳雪航落暉見寄當事其三

通典有萬里沙祠故曰長沙湖廣通志洪承疇泉州

人順治癸巳督師經畧五省駐長沙便宜行事三國

志甘寧傳字興霸巴郡臨江人也一統志甘寧故壘在

長沙府益陽縣南一里潮落見贈吳錦雯晉書陶侃

傳斬蘇峻旋江陵封長沙郡公尋以江陵偏遠移鎮巴

陵斬郭默旋巴陵因鎮武昌又嘗課諸營種柳都尉夏

拖盜官柳植之于巴門侃後見駐車問曰此是武昌西

門前柳何因盜來此種拖惶怖謝罪張如哉曰兼用桓

溫樹猶如此人何以堪意許棠詩庵樹想成圍更記

淮南王安傳使尉佗踰五嶺攻百越廣州記大庾始安

臨賀桂陽揭陽爲五嶺烽烟見宮扇按城郭改暗用了

令威歌城郭雖是人民非
三湘見哭志行征調見雜

感王詩省中啼鳥吏人稀
後漢書馬援傳男兒當効

死於邊野以馬革裹尸還葬

耳木蘭歌寒光照鐵衣

此首刺洪亭九當與松山哀訪文學博參看訪文學博云盡道長沙軍已得滇池王此云長沙西去不能歸若爲洪作原心之論者結句反以裹革許之正是斧鉞之筆也梅村夜宿阜昌有流涕辭伐燕語當非設泛

其十

巴山干丈擎雲根節使征西入劍門蜀相軍營猶石壁

漢高原廟自江村

原註駐兵南鄭分閩關州兩地皆有高祖廟

全家故國空

從難異姓直王獨拜恩回首十年成敗事笛聲哀怨起

黃昏

此詩紀吳逆入蜀之事也。圓圓曲專征簫鼓向秦川，金牛道上車千乘，斜谷雲深起畫樓，散關月落

開粧鏡與詩中異。姓真王獨拜，思合全家白骨成。灰上與詩中全家故國空從難，合而觚賸載其由。秦入蜀迄於秉鉞滇雲垂旒，洱海又與節使征西入劍門，合當與圓圓曲及雜感第四首五首參看。
○一統志大巴山在保寧府南江縣北二百里，一名巴嶺山，小巴山在南江縣東北，此山之南卽古巴國，其嶺上多雲霧，盛夏猶有積雪。
杜詩晴雲如擘絮，雲根見石公山。岑參詩節使橫行西出師，拔吳逆，封平西王，故用征西字。
一統志劍門關在保寧府劍州東北，卽劍閣道也。杜有蜀相詩諸葛孔明黃陵廟，記於大江重複石壁間，有神像影現焉。
一統志督軍壇在漢中府沔縣東南，其旁有八陣圖。元和志八陣圖在西縣東南十里，諸葛亮壘門以石爲圖，又諸葛寨在南江縣西一百里，高五十餘丈，可容萬人，四壁峻拔，推一面有鳥道，可上其頂，有泉四時不竭。
一統志漢中府南鄭縣附郭輿地紀勝，漢高帝廟在閭中縣南十里，西偃山下。
一統志漢高祖祠在南鄭縣

南漢水濱原廟見鍾山江村見礬清湖我汪鈍翁定州
郝公墓誌吳三桂等入川奉詔統東西兩路兵駐劄
川南以圖進取俱爲賊所敗原注之駐兵分闔卽東西
兩路之兵也退之楊燕奇碑感泣辭親從難於秦
漢書有異姓諸侯王表更記淮陰侯傳卽爲真王
耳北史王晞傳拜恩私室李詩哀怨起騷人

長安雜咏

玉泉秋散鼎湖龍世廟元都閱御容絳節久銷金竈火
青詞長護石壇松運移梅福身難去道向麻姑使未逢

重過竹宮聞夜祭徐無仙客話乾封

前四句就明世宗說五六兼以自寓

重過竹宮點出時事蓋因閭夜祭而追話前事耳○一

統志玉泉山在宛平縣西北二十五里山前有御園玉泉出山下味甘而冽一名噴雪鼎湖見圓園曲

明史世宗紀諱厚熹廟號世宗又陶仲文傳帝自號太

上大羅天仙紫極長生聖智昭靈統元證應王虛總掌
五雷太真人元都境萬壽帝君杜詩配極元都闕采史
禮志神御殿古原廟也以奉安先朝之御容 絳節見
讚佛詩江詩方驗參同契金竈煉神丹 (李肇翰林志)
凡道觀薦菁詞文用青籐紙朱字謂之青詞(胡仔詩)紫
雲常護玉壇松石壇見朝日壇 運移梅福見讀西臺
記 麻姑兒閩園序 竹宮見東萊行(史記封禪書)于
是五利常夜祠其家欲以下神 徐無見蘇門高士圖
乾封見
東萊行

其二

石門秋聳妙高臺
慈聖金輪寺榜開
龍苑樹荒香界壞
鹿園花盡塔鈴哀
燈傳初地中峰變
經過流沙萬里來

代有異人爲教出
鳩摩天付不凡材

前四句咏有明之
佛刹後四句指時

事與其一相似○杜詩石門日色異一統志妙高臺在
丹徒縣金山上宋僧了元建按此詩不必指丹徒之臺
蓋用比體明史后妃傳孝定李太后神宗生母也上
尊號曰慈聖皇太后顧好佛京師內外多置梵刹動費
鉅萬首楞嚴經彼金寶者明覺立堅故有金輪保持國
土按寺榜寺門之額也世說韋仲將能書魏明帝起殿
欲安榜使仲將登梯題之韓詩城闕連雲草樹荒沈
雲卿詩香界繁北渚花龕隱南巒阿含經一時佛遊
婆奇瘦在鼉山怖林鹿野園中庚詩夏餘花欲盡晉書
佛圖澄傳天靜無風而塔上一鈴獨鳴劉孝綽詩談
諛有名僧慧義似傳燈法苑珠林十地頌如竹破初節
餘節速能破得初地真智諸地疾當得王詩分野中峰
變第六句見禮蒼公塔漢書公孫弘等傳贊異人
並出鳩摩見讚佛詩隋書經籍志胡僧至長安者數
十輩惟鳩摩羅什才德最
優杜詩金眸王爪不凡才

程迓亭曰此詠大慈壽寺而及木陳忞公也按浙江
通志道忞字木陳湖陽林氏子甫冠棄弟子員爲天

童密雲悟和尚法嗣順治己亥徵至京住齋宮

萬壽殿結冬開堂

勅封宏覺禪師

其三

鼓角鳴鞘下建章
平明獵火照咸陽
黃山走馬開新埒

青海求鷹出大荒
奉轡射生新宿衛
帶刀行炙舊名王

侍臣獻賦思遺事
指點先朝說豹房

此首咏羽獵之盛也頌不忘規○鼓

角見送朱司李宋史儀衛志鳴鞭內侍二人執之鞭鞘

用紅絲而漬以蠟行幸則前驅而鳴之漢書武帝紀大

武元年起建章宮一統志建章宮在長安縣西白詩

平明拂劍朝天去太白大獵賦獵火燃兮千山紅一統

志咸陽故城在今咸陽縣東黃山見海戶曲晉書王

濟傳買地爲馬埒編錢滿之時人謂之金溝謝元暉詩

舊埒新塍分青海見贈雪航異名記登州海岸有鳥

如鷗自高麗飛渡海岸名海東青山海經大荒之中有

山名曰大荒之山上林賦叔孫奉鬻衛公駿乘金史
郭蝦蟆傳世爲保甲射生手子盧賦臣楚國之鄙人也
幸得宿衛十有餘年隋書儀衛志周武帝時百官燕
會并帶刀升座南史王琨傳顏師伯傳酒行炙皆悉內
妓漢書終軍傳越地及匈奴名王有率衆來降者杜
詩侍臣緩步歸青瑣獻賦見南苑閱武應制遺事見琵琶行
指點兒龍腹
竹歌豹房見洗象圖

其四

百戰關山馬槊高
耻將階級鬪蕭曹
兩河子弟能談劍
一矢 君王已賜袍
此日大家親較武
他時年少定分

茅功成老將無人識
看取征南帶血刀

此首咏老將也
○百戰見楚兩

生行關山見琵琶行
馬槊見哭志行
階級各位亦宜超然
蕭曹見功臣廟

後漢書邊讓傳
兩河兒遊亂接

莊子有說劍篇左傳成十六年王召養由基與之兩

矢使射呂錡以一矢復命唐書傳游藝傳起一歲賜袍

自青及紫人謂四時仕宦大家見永和宮詞揚子雲

長楊賦簡力狡獸校武票禽晉書入王傳贊分茅錫

瑞道光恒典老將見遇南廂園叟征南見

贈雪舫補註張思廉神絃曲頑蛟尚染刀鏹血

哭蒼雪法師

按蒼雪示寂在順治十三年閏五月二十二日

憶昔穿雲到上方飛泉夾路筍輿忙孤峰半榻霜顛白

清磬一聲山葉黃得道好窮詩正變觀心難遣世興亡

汰公塔在今同傳無着天親共影堂

原註汰如住華山與師爲法侶最相

得滅度已十六載矣

從初見蒼雪起三四贊蒼雪五

句抽出能詩六句適逢易世結句以汰如伴說悠然意

遠○穿雲見壽鶴如上方見支硎聽雨飛泉見送人

從軍張景陽詩楸梓夾路筍輿見二十五日詩孤峰

見謁剖公真山民詩來分半榻涼劉克莊詩白布裙襦
雪滿顛清磬見宿福源精舍杜詩吟詩秋葉黃後
漢書費長房傳子幾得道朱子詩傳舊說二南爲正風
十三國爲變風雅者正也其篇本有大小之殊而先儒
說又各有正變之別戴景屏詩隱几自觀心汰如
塔銘汰如法師遺言建塔於中峰同傳詳六言偶成
無着天親見贈蒼雪
影堂見禮蒼公塔

池北偶談南來蒼雪法師居吳之中峰嘗夜誦楞嚴
月明如水忽語侍者庭心有萬歷大錢一枚可往檢
取視之果然師貫穿教典尤以詩名嘗有
句云斜枝不礙經行路落葉全埋入定身

其二

說法中峰語句真滄桑閱盡剩閒身宗風實處都成教
慧業通來不礙塵白社老應空世相青山我自哭詩人

縱教落得江南夢萬樹梅花孰比鄰

此詩從前首五六推闡而出結到無

鄰用意深切

○說法見禮蒼公塔中峰見贈蒼雪滄

桑見海戶曲

注閒身見虎邱夜集圖

宗風慧業見禮

蒼公塔

列子雲霧不礙其視集韻核同凝

白社見

後東臯歌

圓覺經三摩提以幻化爲相卽假觀奢摩陀

以寂靜爲相卽空觀

蘇詩青山是處可

藏骨詩人見園次罷官

詩洽比其鄰

此兩首各自成章而合看亦成章法蓋上方與影堂

相映此本首之章法也然穿雲筍輿都從自己說而

江南梅花又從自己結一憶前遊一計後來亦有無

心映合之趣至其一從詩說到時世其二從時世說

到詩各極其妙有風雨離合之奇結句言已總

得歸江南而梅村中絕少詩友也是極贊蒼雪處

送友人出塞

出塞見送杜敬武

上書有意不忘君
簾逐還將諫草焚

聖主起居當日

慎小臣忠 又本風聞玉關信斷機中錦金谷園空畫裏

雲塞馬一聲死舊哭焉支少婦欲從軍

上四出塞寫出戀闕之情語有

斟酌下四送友寫其別家之苦語極沉痛○上書見臨

江叅軍劉更生上災異封事念忠臣雖在畎畝猶不忘

君悵倦之義也 季詩竄逐我因誰南史謝宏微傳每

獻替及陳事必手書焚草人莫之知 王子淵有聖主

得賢臣頌後漢書章帝紀刺探起居堯戒戰戰慄慄曰

慎一日 禮小臣廉池北偶談陳衍云風聞二字出漢

書尉陀傳 玉闕見贈家侍御皇甫冉詩機中錦字論

長恨 金谷見老妓行 廣詩塞馬暗嘶羣穉叔夜絕

交書時時與親舊叙離濶陳說平生 焉支見咏

山茶花按少婦字出史記滑稽傳從軍見行路難

七八句義似亦於陳彥升爲近然梅村女權厝誌祇

云司農再相未一歲用言者謫居瀋陽而已此詩前

四句乃建言被謫者小臣忠愛亦與司農再相不合

則非送彥升明矣俟考 按梅村集中以出塞著於

篇者陳彥升吳漢槎陸子元孫赤崖皆是也彥升以
大臣謫餘多以科場謫皆與此詩小臣忠愛本風聞
不合。國朝詩別裁集季開生字天中江南泰興人
順治己丑進士官給事中尚陽堡卽事口號五雲長
纒舊皇畿萬里孤臣寄翠微極塞有山皆北向重邊
無水不西歸雞鳴夢訝參朝晚烏哺心傷進膳違寧
惜焚焚沙雁影陽回未得入關飛嚴沆字子餐懷季
天中遼左云萬里邊城問謫居躬耕遼海意何如龍
沙更作投湘賦鳳闕長懸諫獵書鴨綠流澌春水下
醫閭積雪暮寒餘柳條漸識陽和近未必君王
雨露疎繆慧遠字子長憶遼左故人生歸何地更逢
君蘭忌當門自昔云東雒少年無賈誼制科風漢獨
劉蕢蓄蠶種徙瓊花絕遼海魂啼杜宇聞篋裏故人
封事藁雨窓檢點淚紛紛并與此詩合梅村所送其
天中歎曹爾堪字子顧弔季天中給諫沒於遼左云
櫻鱗奏草動宸居海內爭傳痛哭書瓶乳竟虛
頭白後葵丹空照汗青餘三春漠漠闕雲黯千里
茫茫塞草疎蛻骨龍荒何日返祇憐化鶴到淮徐

卽事

張如哉曰卽事十首長安雜咏四首未必一時所作亦未必皆在京所作如曹村相公以

順治十五年入相時梅村早歸里矣編詩者以其俱詠京中事故總編次于此卷中卽事一首

殆亦續作而補編也

擊鼓迎神太乙壇越巫吐火舞珊珊露臺月上調絲管

禁苑霜凋挾彈丸赤驥似龍徠萬里白鷹如雪致三韓

柏梁焚後宜春起只有西山作舊看

此首亦包舉數事筆力道厚○詩坎

其擊鼓廬子行詩西瑄協律南宅迎神史記武帝紀亳人謬忌奏祠泰一方其後人有上書言古者天子三年一用太牢具祀神三天一地一泰一天子許之令太祝領祠之于忌泰一壇上如其方史記封禪書乃令越巫立越祝祠晉書夏統傳從父敬寧祠先人迎女巫章丹陳珠二人甲夜之初撞鐘擊鼓間以絲竹丹珠乃

拔刀破舌吞刀吐火宋玉神女賦拂墀聲之珊珊露

臺見南苑應制絲管見老妓行禁苑見退谷歌顧逋

翁詩霜凋樹吹斷韓詩外傳黃雀方欲食螳螂不知童

子挾彈丸在下迎而欲彈之列子周穆王右駘赤驥

而左白灤杜詩赤驥頓長纓非無萬里姿張如哉曰似

龍徠萬里用史記天馬歌天馬徠龍之媒又用蒲梢天

馬歌天馬徠兮從西極經萬里兮歸有德白鷹見海

戶曲注三韓見凌烟閣圖序漢書郊祀志柏梁災粵

巫勇之曰越俗有火災復起屋必以大用勝服之于

是作建章官宜春見退谷歌西山見遇劉雪舫

送同官出牧左傳文七年同官爲寮何仲言詩入

朝耿長劍出牧盛層塵按魏環極寒

松堂集有乙未年諸公外轉詩當與

此同時作也乙未爲順治十二年

露掌明河玉漏寒侍中出宰據征鞍 君王此日親除

吏臣子何心道換官壯士驪山秋送戍豪家渭曲夜探

九扶風馮翊皆難治努力諸公奏最看

前半首是同官出牧後半首多

用秦中地名就出牧上寫出送字意○庾詩露掌定高

雲采延清詩明河可望不可親宋史樂志良夜永玉漏

正遲遲漢書百官表注應劭曰入侍天子故曰侍中

後漢書明帝紀出宰百里程必簡詩艱險促征鞍史

記武安侯傳上乃曰君除吏已盡未吾亦欲除吏晉

書荀勗傳白中書監除尚書令人賀之勗曰奪我鳳凰

池諸君何賀耶按第四句暗用之換官本漢書薛宣傳

宣奏粟邑令尹賞與潁陽令薛恭換縣而兩縣皆治

史記高祖紀高祖以亭長爲縣送徒鄆山徒中壯士願

從者十餘人又黠布傳布已論輸麗山麗山之徒數十

萬人布皆與其徒長豪傑交通朱子詩傳戍屯兵以守

也豪家見圓圓曲王詩渭水自縈秦塞曲探丸見行

路難漢書百官表漢武帝太初元年左內史更名左

馮翊主爵中尉更名右扶風一統志陝西表乾州鳳翔

府隴州邠州漢左馮翊同州府耀州商州漢右扶風史

記汲黯傳右內史界部中多貴人宗室難治請徙黯爲

右內史按漢書地理志武帝建元六年置左右內史則右內史蓋卽中尉後改爲右扶風者努力見送周子爲漢書尹翁歸傳以高第入守右扶風常

爲三輔最蘇廷頌詩還當奏最按垣來

寄周子俶中州

中州見送子俶青瑯

聞道周郎數酒悲中原極目更依誰雲遮二室關山在

河奪三門風雨移銅狄紀年何代恨石經傳字幾人知

狂歌落日登臨罷殘醉歸來信馬遲

按梅村送子俶青瑯赴河南學使者

幕則子俶有所依也而此云酒悲與置酒龍門夜不同云依誰與得依張壯武不同關山在風雨移何代恨幾人知俱非壯遊之意或子俶有所不合故梅村云然與○周郎見圓圓曲白詩誰料平生狂酒客如今變作酒悲人中原見贈茶雪極目見蕩子行白詩望闕雲遮眼一統志引韋昭曰嵩高有太室少室之山山有石

至故名闕山見呈李太虛陝州志黃河中流有砥柱山一名三門山有三門禹鑿以通河南曰鬼門中曰神門北曰人門舟楫不通惟人門可通後木風雨奪見二十五日詩銅狄見雒陽行左傳襄三十年臣小人也不知紀年石經見送子叔青明注元
詩甘蔗消殘醉客參詩薄暮垂鞭信馬歸

懷古兼弔侯朝宗

原註朝宗歸德人貽書約終隱不出余爲世所逼有負夙諾故

及之懷古見讀鄭世子傳補註
按朝宗書載壯悔堂集中今不錄

河洛風烟萬里昏百年心事向夷門氣傾市俠收奇用

策動宮娥報舊恩多見攝衣稱上客幾人刎頸送王孫

死生總負侯嬴諾欲滴椒漿淚滿樽

首二句虛籠全題三四句正寫懷古

五六句於懷古中轉注起下七八句點醒弔字又回應第二句也○史記封禪書三代之君皆在河洛之間霍

顓詩風烟萬里愁 薛陶臣詩百年心事付東流使記
信陵君傳魏有隱士曰侯嬴年七十家貧爲大梁夷門
監者公子置酒大會賓客坐定公子從車騎虛左自迎
侯生侯生謂公子曰臣有客在市屠中願在車騎過之
公子引車入市侯生下見其客朱亥俾倪故久立侯生
視公子色終不變乃謝客就車至家公子引侯生坐上
坐魏安釐王二十年秦昭王已破趙長平軍又進兵圍
邯鄲魏王使將軍晉鄙將十萬衆救趙實持兩端以觀
望公子患之數請魏王魏王畏秦終不聽公子侯生乃
屏人問語曰嬴聞晉鄙之兵符常在王卧內而如姬最
幸力能竊之嬴聞如姬父爲人所殺公子使客斬其讐
頭敬進如姬誠一開口請如姬如姬必許諾則得虎符
奪晉鄙軍北救趙而西却秦此五霸之伐也公子從其
計侯生曰臣客屠者朱亥可與俱此人力士晉鄙聽大
善不聽可使擊之公子過謝侯生侯生曰臣宜從老不
能請數公子行日以至晉鄙軍之日北鄉自到以送公
子公子與侯生決至軍侯生果北鄉自到又季布傳以
爲氣任俠有名於楚 宮娥見圓圓曲漢書兩吉傳以

吉蕃恩尤重

史記高祖紀沛公起攝衣謝食其死上

坐上客見行路難

史記張耳陳餘傳兩人相與爲刎

頸交王孫見雒陽行

椒漿見登封烈婦

按此詩以侯生爲主第二句點出夷門第三句咏朱亥而以氣傾字收入侯生甲裏第四句咏如姬而以策動字收入侯生甲裏五六句就侯生作感慨而刻頸字已引出死生字見朋舊雖多而能如侯生之死不負諾者少也然侯生能不負諾而已則負諾於侯生是以爲之滴淚也侯生爲誰嬴也又朝宗也皆夷門也因負諾而淚滿此百年之心事也懷字弔字是一是二羅浮風雨縹緲離合筆底有化工矣

送曹秋岳以少司農遷廣東左轄

廣東通志布政司左布政使曹

溶順治十

三年任

江東才子漢平陽身歷三臺拜侍郎五管清秋懸使節

一作
秋清

百蠻風靜據胡床珠官作貢通滄海象郡休兵奉

朔方早晚鄼侯能薦達鋒車好促舍人裝

從曹秋岳少司農起三四

廣東左轄五六左轄功成結句祝其賜環也○晉書王

坦之傳江東獨步王文度才子見功臣圖歌漢書功臣

表平陽懿侯曹參後漢書蔡邕傳補侍御史又遷侍

書御史遷尚書三日之間周歷三臺杜詩登臨憶侍郎

節使卿大夫聘於天子諸侯行道所執之信也張如哉

曰清秋當是秋清對下風靜百蠻見送杜欵武徐鼎

臣詩今朝池口風波靜胡床見楚兩生行一統志珠

官廢縣在廉州府合浦縣南書任士作貢漢書食貨志

彭吳穿穰稻朝鮮置滄海郡一統志廣西慶遠府秦

象郡地休兵見審詩天子命我城彼朔方漢書蕭何

傳上以何功最盛先封爲鄼侯何病上親自臨視因問

曰君卽百歲後誰可代君曹參何如何頓首曰帝得之

矣薦達見送王惟夏北行

晉書輿服志追鋒之名蓋

取其迅速也漢書曹參傳蕭何薨參聞之告舍人趣治行吾且入相居無何使者果召參師古曰舍人猶家人也趣讀曰促謂速也
治行謂修行治裝也

其二

秋風匹馬尉佗城銅鼓西來正苦兵萬里虞翻空遠宦
十年楊僕自專征山連鳥道天應盡日落蠻江浪未平

此去好看宣室召漢皇前席問蒼生

此首從苦兵用意正字空字自字天

應盡浪未平好看字俱能運實於虛結句與前首意同
○秋風匹馬見送趙友沂一統志番禺故城今廣州府南海縣治漢書地理志南海郡治番禺縣尉佗都廣東通志趙佗城在南海縣治東秦任囂所築佗益廣之銅鼓見壽陸孟鳧虞翻見閩園序遠宦見短歌楊僕見寄芮公序專征見夜宿阜昌鳥道見閩州行高

遠夫詩詹外長天盡劉夢得詩十見蠻江白芷生羊士諤詩津柳江楓白浪平三輔黃圖宣室未央殿正室也史記賈生傳孝文帝方受釐坐宣室因感鬼神事而問鬼神之本賈生因具道所以然之狀至夜半文帝前席按李義山詩宣室求賢訪逐臣賈生才調更無倫可憐夜半虛前席不問蒼生問鬼神此反用之

其三

銅柱天南起暮笳蒼山不斷火雲遮羅浮客到花爲夢
庾嶺書來雁是家五月蠻村供白越千年仙竇訪丹砂

炎州百口堪同住莫遣閒愁感髻華

此首屬其隨遇而安是道義相期處

銅柱見送顧蒨來劉文房詩暮笳吹塞月儲光義詩雨雪浮蒼山火雲見遇南廂圍裏第三句見芝龔

前可借在蠻村後漢書馬后紀注白越越布王子安蘇詩爛煮葵羹掛桂醕風

淨惠寺碑山童采葛入丹竇而忘歸丹砂見送周子叔
劉文房詩炎州百口住季義山詩莫遣佳期更後
期杜彥之詩有底閒愁得到
心梁簡文帝詩叙落鬢華空

其四

懸瀑丹崖萬仞流越王臺上月輪秋江湖家在堪回首
京國人多獨倚樓海外文章龍變化日南風俗鳥鞞鞞

知君此地登臨罷追憶平生話少游

此首代秋岳設想五六足稱高唱○

韓詩懸瀑垂天紳丹崖見歸雲洞萬仞見臨江叅軍按左大冲詩振衣千仞岡濯足萬里流此合用之（一）統志越秀山在番禺縣北城跨其上聳拔二十餘丈上有越王臺故址山一名越王山李詩蛾眉山月半輪秋京國見送趙友沂杜詩行藏獨倚樓若溪漁隱叢話東坡自南遷以後詩全類子美夔州以後詩正所謂老

而嚴者也子由云東坡謫居儋耳獨喜爲詩精鍊華妙
不見老人衰憊之氣魯直亦云東坡嶺外文字讀之使
人耳目聰明如清風自外來也楚辭蛟龍隱其文章張
平子西京賦若神龍之變化日南見閩州行唐本草
鵬鵠生江南鳴云軌軌格磔子山思舊銘追憶平生
宛然心目後漢書馬援傳援平交阯從容謂官屬曰吾
從弟少游嘗哀吾慷慨多大志曰士生一世但取衣食
裁足致求盈餘但自苦耳當吾在浪泊西里間虜未滅
之時下潦上霧毒氣熏蒸仰視飛鳶跼蹐
墮水中卧念少游平生時語何可得也

送楊猶龍學士按察山西

篋衍集楊思聖字猶龍直隸鉅鹿人國朝詩

別裁集猶龍順治丙戌進士著有且亭集山西通志按察使楊思聖順治年任

碧山學士起嚴裝新把牙旗下太行玉麈開尊從將吏
銀毫判牒喜文章三關日落凝笳吹千騎風流出射堂

憶賜錦袍天上暖西游早拂雁門霜

首句學士次句按
蔡山西三四從按

察點人學士後半首學士按察合說○杜詩碧山學士

焚銀魚按嘉興府志黃葵陽有碧山學士寬頌堂又名

其居曰碧山居名其集曰碧山集則碧山蓋學士之美

稱後漢書清河王慶傳常夜分嚴裝張平子東京賦

牙旗繽紛薛綜注牙旗者將軍之旌竿上以象牙飾之

太行見又咏古玉塵見後東臯歌注開尊見後東臯

歌將吏見贈家侍御陸務觀詩銀毫地綠茶膏潤韻

增官府移文謂之牒退之送浮屠文暢序喜文章三

關見代州笳吹見謁張石平千騎見雕橋莊歌子山

春賦分朋入射堂筆談宋銀臺司兼門下封駁乃給

事中之職初冬獨賜翠毛錦袍天上見題凌烟圖史

記范睢傳王稽問魏有賢人可與俱西游者乎雁門見

雁門尚

書行

其二

一天涼影散鳴珂落木平沙雁度河北地詩名三輔少

西風客思五原多紫貂被酒雲中火鐵笛迎秋塞上歌

回首禁城從獵處千山殘雪滿滹沱

此首多從山西說不脫學士意○柳

道傳詩舉頭涼影動徐孝穆詩飛蓋響鳴珂 稔琴曲

有平沙落雁

盧昇之詩五營屯北地

三輔見退谷歌

張如哉曰明李夢陽北地人與何景明齊名世稱何李此借比揚猶龍猶龍北人在畿內故云三輔少 謝元

暉詩客思難裁漢書武帝紀元朔二年置五原郡地理志五原郡治九原縣一統志忻州九原故城後漢僑

置縣於此又外藩蒙古九原故城在吳喇忒旗北漢朔

方之東北雲中之西今套北黃河東流處也五原故城

在故九原城西 歐陽永叔詩紫貂裘暖朔風驚被酒

見卽事第八首雲中見雁門尚書行盧允言詩野戍雲

藏火 鐵笛見避亂月令孟秋之月以迎秋于西郊陳

伯玉詩長謡塞上風 杜詩禁城春色曉蒼蒼從獵兒

讚佛詩 千山見贈願雲師殘
雪見過鄭州滄沱見讀西臺記

送王藉茅學士按察浙江

浙江通志提刑按察使
王元咎字藉茅河南孟

津人順治十三年任河南府志王元咎
丙戌會魁歷侍讀學士江南右布政使

始興門第故人稀才子傳家典北扉畫省日移花更發
御溝春過柳成圍江湖宦蹟飄蓬轉嵩少鄉心旅雁飛

重到冶城開戟地豈堪還問舊烏衣

起從王字黠入學
士三四學士按察

也五句是按察浙江六句是藉茅故里仍用王字作結
援才子傳家冶城開戟與其二之江左故吏王家書畫
藉茅蓋王覺斯鐸之子也鐸于南渡時已官尚書故兩
首結句多用嘆息語耳○始興見觀通天帖季嘉祐詩
轉覺故人稀夢溪筆談學士院北扉者爲其在浴堂
之南便於應召畫省見弔衛紫岫顧渠清口日移字

暗用花磚入直意 唐試帖有御溝新柳詩柳十圍已
成園并見西田和韻 飄蓬見江樓別字令 宋史張
宗晦傳嵩少伊瀍天下佳處按嵩少謂嵩山少室山也
鄉心見送何省齋何仲言詩霜洲渡旅雁 杜牧之詩
重到笙歌分散地一統志冶城在上元縣西按開
較猶列較也見壽龔芝麓注 烏衣見白燕吟

其二

訟堂閒嘯聽流鶯十載東南憶避兵江左湖山多故吏
王家書畫豈虛名從容簿領詩還就料理烟霞政自成

欲過會稽尋禊事斷碑春草曲池平

前首從學士起此首從按浙起避兵

二字妙有含蓄○訟堂見贈楊仲延釋清壑詩閒嘯兩
三聲按詩意亦用成瑨坐嘯見寄芮公註流鶯見鶯湖
曲 避兵見東萊行 江左見送子佩青瑯漢書尹翁
歸傳田延年爲河東太守悉召故吏五六十人 王家

書畫見觀通天帳史記平原君傳以虛名得君君必勿聽也 簿領見送沈繹堂 料理見卽事其七烟霞見

讀西臺記

蘭亭序會於會稽山陰之蘭亭修禊事也

斷碑見東萊行 春草見老妓行 栢子新論 雍門周曰

高臺既以傾

曲池既以平

魏環極送同年王藉茅復補涼州分憲詩江東雲物

等閒過又看征車渡渭河一代風流詞賦老頻年閩

歷苦辛多防秋漢便瞻鴻鴈入欵番人貢

橐駝不負生成今日事玉門長嘯記恩波

送當湖馬覲揚備兵岢嵐

一統志當湖在嘉興府平湖縣東門外岢嵐州

在太原府西北三百二十里山西通志岢嵐兵

脩道馬燭曾浙江平湖人進士順治十三年任

絕塞驅車出定羌洗兵空磧散牛羊黃河盡處無征戰

紫燕飛時敢望鄉獨客登臨傷廢壘前人心力困危疆

君恩不遣邊臣苦高卧荒城對夕陽

多從岢嵐落想
○駱賓王詩交

河浮絕塞驅車見下相懷古一統志定羌廢縣在河州
東南宋熙寧七年改河諾城爲定羌城元升爲縣元未
廢按河州今屬甘肅蘭州府馬或由蘭州遷岢嵐兵備
與俟考洗兵見送志衍王詩暮雲空磧時駐馬一
統志黃河在興縣西五十里自保德州南流入又南入
汾州府臨縣界西岸爲陝西界常建詩天涯盡處無征
戰顧逋翁詩紫燕西飛欲寄書岑文本詩暫緩望鄉
情廢壘見遇南廂園叟心力見礬清湖序按此句
應指山西巡撫蔡懋德公羊傳邊垂之
臣王詩荒城臨古渡夕陽見西田詩

送王孝源備兵山西

山西通志雁平兵備道王天
眷山東濟寧州人進士順治

十三
年仕

秋盡黃河氣欲收千山雪色照并州鵬盤落木蒼崖壯

馬蹴層冰斷澗流父老壺關迎節使將軍廣武耻封侯

雍容賓佐資譚笑吹笛城南月夜樓多從山西落想結句暗用劉越石清

嘯事○一統志山西薄於河自陝西榆林東北折而南經廢東勝州又南經大同太原汾州平陽四府至蒲

州府西南折而東入河南懷慶府界 千山見贈願雲師并州見鐵獅歌 陸務觀詩百金戰袍鵬鴒盤按詩

意謂盤旋之盤如沈林文蛟螭盤其下之類蒼崖見臨江叅軍 杜詩交河幾蹴層冰裂永經注斷澗為城

壺關老見送郭宮贊節使見即事其十 廣武見贈馮訥生張如哉曰按史記劉敬傳高祖械繫敬廣武至平

城匈奴圍帝白登七日然後得解帝至廣武赦敬曰不用公言以困平城迺封敬為關內侯敬因勤帝與匈奴

和親妻以長公主廣武句翻用此事耻字借用淮陰侯羞與絳灌伍 雍容見送施愚山宋史太祖紀舉堪為

賓佐令錄者各一人譚笑見遇南廂園叟 吹笛見琵琶行

送同年江右朱遂初憲副固原

江西通志崇禎四年辛未進士朱徽

進賢人

國朝固原副使一統志固

原州在平涼府西北一百七十里

銜杯落日指雕鞍渭北燕南兩地看
士馬河湟征戰罷弟兄關塞別離難
荒祠黑水龍湫暗絕坂丹崖鳥道盤

錯認故京還咫尺幾人遷客近長安

首句是送字次句畧點固原三句固

原四句同年五六指既到固原以後結句即兩地看之意妙有別趣○劉伯倫酒德頌銜杯漱醪李詩花月醉雕鞍杜詩渭北春天樹燕南見過鄭州注後漢書鄭太傅今資之士馬河湟見贈吳雪航征戰見送馬觀揚關塞見舊劍杜詩人世別離難荒祠見游西灣書黑水西河惟雍州一統志黑水在固原州北朝那秋在固原州西南史記封禪書湫淵祠朝那明統志湫有二一在縣東十五里一在縣西北三十里土人謂之東

海西海按固原州明洪武初降爲開成縣固原州志西北岸有廟舊傳祭龍神潤澤侯處東海岸有廟
一統志隴山在平涼府華亭縣西秦州青水縣東與鳳翔府隴州接界一名隴坂辛氏三秦記其坂九迴不知高幾許欲上者七日乃得越丹崖見歸雲洞鳥道見閬州行後漢書杜篤傳表裏山河先帝舊京咫尺見送何省齋遷客見琵琶行

其二

清秋柳陌響朱輪帳下班聲到近臣萬里河源通大夏

七盤山勢控新秦

按七應作六

北庭將在黃驄老西海僧來

白象馴最喜安邊真節使君恩深處少風塵

起結皆送字意中四

句就固原說三四山川五六人物也○清秋見贈家侍御柳陌見送李書雲朱輪見送塔伊令帳下見臨江

參軍左傳襄十八年聽班馬之聲河源見雜感第三
首史記大宛傳張騫從月氏至大夏鹽澤潛行地下其
南則河源出焉通志大六盤山在固原州西南七十
里山路險仄曲折峻阻盤旋而上古謂之絡盤道後六
盤於固原爲切若七盤山在西安府藍田縣南七盤嶺
在四川保寧府廣元縣與陝西寧羌州接界卽閬州行
之金牛盤七坂是也去固原差遠矣漢書食貨志徙貧
民於關中以西及充朔方以南新秦中七十餘萬口唐
書地理志靈州新秦縣開元二年置杜詩月過北庭
寒故老思飛將黃驄見次走馬詩史記大宛傳于寘
之西則水皆西流注西海其東水東流注鹽澤陳敬宗
詩青猊白象三千界漢書趙充國傳選擇良吏拊循
和輯此全師保勝安邊之冊杜詩稍喜臨邊王
相國節使見卽事其十 風塵見壽龔芝麓

其三

白草原頭驛路微十年踪跡是耶非月明函谷朝雞遠

木落蕭關塞馬肥便道江城鄉思急故人京洛諫書稀

一官漂泊知何恨老大匡山未拂衣

此首是遂初意中語是耶非知何恨

起結相應中四句是往固原時道中所見意中所思○

王少伯詩白草原頭望京師一統志白草原在臨洮府

金縣南二十里岑參詩西原驛路掛城頭李夫人歌

是耶非耶更記孟嘗君傳夜半至函谷關關法雞鳴

而出客一統志秦函關在漢宏農縣即今陝州靈寶縣

界武帝元鼎三年徙於新安縣界王介甫詞歌眠似聽

朝雞早蕭關見玉京墓塞馬見送友人出塞杜詩秋

高馬肥健漢書郅都傳便道之官得以便宜從事李

詩江城五月落梅花白詩鄉思急於弦張正言詩故

人京洛滿岑參詩自覺諫書稀杜詩何恨倚山木

又老大徒傷未拂衣一統志

廬山一名匡山見贈蒼雪

其四

長將詩酒付奚囊

程迓亭曰酒應作句

此去征途被急裝苜蓿金

鞍調白馬梅花鐵笛奏青羌涼州水草軍營盛漢代亭

臺獵火荒往事功名歸衛霍書生垂老玉門霜

詩酒書生起結

相應中四句就固原說其三老大此首垂老與其一錯認俱有遷謫意○柳道傳詩正爲先生行役苦故留歛

玉薦奚囊

征途見送黃子羽漢書趙充國傳將軍急

裝因天時詠不義

杜詩宛馬總肥秦苜蓿王少伯詩

白馬金鞍從武皇

梅花鐵笛見過鐵崖墓青羌見贈

家侍御

一統志涼州府在甘肅布政使司西北五百

六十里漢武帝開置武威郡魏文帝分置涼州千道志

焉支山美水草軍營見寄芮公序

獵火見長安雜詠

駱賓王詩俄聞衛霍有功勳按衛青霍去病也書

生兒壽冀芝麓垂老見短歌玉門見行路難張如哉曰

末句用班超傳書生即布衣諸生垂老

卽今且七十玉門卽生入玉門關意